

影印
文淵閣

四庫全書

影印

文淵閣四庫全書

第一三四三冊

北京出版集團公司
北京出版社

本冊目次

唐
文

粹(二)

宋
姚
鉉編……一

欽定四庫全書

集部

唐文粹卷一至三

詳校官庶吉士臣謝恭銘

助教臣常循履勘

總校官檢討臣何思鈞

校對官編修臣盧遂

謄錄監生臣任銜萱

欽定四庫全書

集部八

唐文粹目錄

總集類

卷一

古賦

卷二

古賦

卷三

古賦

欽定四庫全書

唐文粹
目錄

卷四

古賦

卷五

古賦

卷六

古賦

卷七

古賦

卷八

古賦

卷九

古賦

卷十

詩

卷十一

詩

卷十二

詩

卷十三

詩

卷十四上

詩

卷十四下

詩

欽定四庫全書

唐文粹
目錄

二

卷十五上

詩

卷十五下

詩

卷十六上

詩

卷十六下

詩

卷十七上

詩

卷十七下

詩

卷十八

詩

卷十九上

頌

欽定四庫全書

唐文粹
目錄

三

卷十九下

頌

卷二十

頌

卷二十一

頌

卷二十二

頌

欽定四庫全書

唐文粹
目錄

卷二十三

贊

卷二十四

贊

卷二十五

表奏書疏

卷二十六上

表奏書疏

卷二十六下

表奏書疏

卷二十七

表奏書疏

卷二十八

表奏書疏

卷二十九

表奏書疏

欽定四庫全書

唐文粹
目錄

卷三十上

表奏書疏

卷三十下

制策

卷三十一

文

卷三十二

文

卷三十三上

文

卷三十三下

文

卷三十四

論

卷三十五

論

欽定四庫全書

唐文粹
目錄

六

卷三十六

論

卷三十七

論

卷三十八

論

卷三十九

議

卷四十

議

卷四十一

議

卷四十二

議

卷四十三

古文

欽定四庫全書

唐文粹
目錄

七

卷四十四上

古文

卷四十四下

古文

卷四十五

古文

卷四十六

古文

卷四十七

古文

卷四十八

古文

卷四十九

古文

卷五十

碑

欽定四庫全書

唐文粹
目錄

卷五十一

碑

卷五十二

碑

卷五十三

碑

卷五十四

碑

卷五十五上

碑

卷五十五下

碑

卷五十六

碑

卷五十七

碑

欽定四庫全書

唐文粹
目錄

卷五十八

碑

卷五十九

碑

卷六十

碑

卷六十一

碑

卷六十二

碑

卷六十三

碑

卷六十四

碑

卷六十五

碑

欽定四庫全書

唐文粹
目錄

卷六十六

銘

卷六十七

銘

卷六十八

銘

卷六十九

銘

卷七十

銘

卷七十一

記

卷七十二

記

卷七十三

記

欽定四庫全書

唐文粹
目錄

卷七十四

記

卷七十五

記

卷七十六

記

卷七十七

記

卷七十八

箴誡銘

卷七十九

書

卷八十

書

卷八十一

書

欽定四庫全書

卷八十二

書

卷八十三

書

卷八十四

書

卷八十五

書

唐文粹
目錄

七

卷八十六

書

卷八十七

書

卷八十八

書

卷八十九

書

欽定四庫全書

卷九十

書

卷九十一

序

卷九十二

序

卷九十三

序

唐文粹
目錄

八

卷九十四

序

卷九十五

序

卷九十六

序

卷九十七

序

欽定四庫全書

唐文粹
目錄

卷九十八

序

卷九十九

傳錄紀事

讀傳附

卷一百

傳錄紀事

臣等謹案唐文粹一百卷宋姚鉉編陳善

蘇新詒以為徐鉉者悞也鉉字寶臣廬州人

自署郡望故曰吳興太平興國中第進士官

至兩浙轉運使是編文賦惟取古體而四六

之文不錄詩歌亦惟取古體而五七言近體

不錄考阮閱詩話總龜載鉉於淳化中侍宴

賦賞花釣魚七言律詩賜金百兩時以此奪

袍賜花故事又江少虞事實類苑載鉉詩有

疎鍾天竺曉一雁海門秋句亦頗清遠則鉉

非不究心於聲律者蓋詩文儼偶皆莫盛於

欽定四庫全書

唐文粹
目錄

唐盛極而衰流為俗體亦莫雜於唐鉉欲力

挽其末流故其體例如是於歐梅未出以前

毅然矯五代之弊與穆修柳開相應者實自

鉉始其中如杜審言卧病人事絕一首較集

本少後四句則鉉亦有所刪削又如岑文本

請勤政改過疏之類皆文苑英華所不載其

蒐羅亦云廣博王得臣塵史乃譏其未見張

登集殊失之苛惟文中艾韓愈平淮西碑而

仍錄段文昌作未免有心立異詩中如陸龜
蒙江湖散人歌皎然古意詩之類一概收之
亦未免過求朴野稍失別裁然論唐文者終
以是書為總匯不以一二小疵掩其全美也
乾隆四十六年正月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

唐文粹
目錄

六

欽定四庫全書

唐文粹卷一

宋 姚鉉 編

古賦甲總三首

聖德二

含元殿賦李華

明堂賦李白

失道一

欽定四庫全書

唐文粹
卷一

阿房宮賦杜牧

含元殿賦并序

李 華

宮殿之賦論者以靈光為宗然諸侯之遺事蓋務恢張
飛動而已自茲已降代有辭傑播於聲頌則無聞焉夫
先王建都營室必相地形詢卜筮考農隙工以子來虞
人獻山林之幹太史占日月之吉雖班張左思角立前
代未能備也而曩之文士賦長笛洞簫懷握之細則廣
言山川之阻採伐之勤至于都邑宮室宏模廓度則畧

而不云其體病矣至若陰陽慘舒之變宜於壯麗棟宇
繩墨之間隣於政教豈前修不逮將俟聖德而啟臣心
輒極思慮作含元殿賦陋百王之制度出羣子之胸臆
非敢厚自夸耀以希名譽欲使後之觀者知聖代有頌
德之臣焉其辭曰

維皇高宗穆端命於玄穹萬有千歲鍾景祚于洪裔建
北宮之尊嚴上取法於天帝乃圖正殿之道居規崇山
而定制信神明幽贊而人謀襲契不然何前王曠此之

欽定四庫全書

唐文粹
卷一

雄麗也先是大司空帥其屬執度而相之曰美哉川原
驚乎其大哉亘坤靈兮配乾剛坤順乾而為龍舒廣行兮
走羣山紛卻面而朝宗陵正陽之奕奕鬱佳氣之蔥蔥
蓋昊天之作而皇祇授元聖獲以造新宮也乃審于龜
筮龜筮協從太卜以告神人咸同皇曰欽哉是將宜於
朕躬因以鴻稱含元建名易乾坤之說曰含弘光大又
曰元亨利貞括萬象以為尊特巍巍乎上京則命徵殷
碩之匠下荆揚之材操斧執斤者萬人涉磧礫而登崔

嵬擇一幹於千木規大壯於喬枚聲坎坎於青雲若神
踣而顛摧勢動連崖拉風捽雷倒勁梢於窮谷斬巨柢
於昭回時也山祇效靈波神作氣為桴為筏羽疊鱗萃
朝泛江海夕出河渭雲奔山橫交積于作宮之地於是
農事既收靈臺勿亟子來而就役者周邦畿而薄四海
咸忘勞而獻力乃張為廣庭考正極星邦伯是經國工
研精刻盤罔以為趾太階積而三重因博厚而順高明
築凌天之四墉四墉既列太階如截下上相欹愕視

欽定四庫全書

唐文粹
卷一

沈沈其始也星鉅電交於萬堵霜鋸氷解於千尋擁材
為山攢杆如林乃卜日星之吉以成帝室虹梁動於中
極棟掬戢以龍密析姑繇以為樞橈喬山以為礪飛重
簷以切霞烟素壁以留日神標峻摘鬼疊層楣高卑迭
作尋尺相持木從繩而後正棟操宇而不危陞瑩氷級
瓦敷鱗差蕩晶景而升降歛暎賜以交輝聳大厦之奇
傑勢將頓而復飛爰詔有司練日推時徵考室於周頌
會公卿以落之丕赫哉如俯如跂若合若離疎森修邃

以宵微悅業職而嚴覬謂衝颺激海兮漩瀟淪以無底
奔雷觸山兮掉嶽嶸而傾殷石鮫拖首於堂廡狀出雲
而撐鬐崇高之制靈邱上盤隣斗極之光輝通天漢之
波瀾察鑿柄之吞吐吸山巖而水攢建升龍之大旆邈
不至於階端崢嶸屏顧下視南山照燭無間七耀迴環
歛呼威反欲赫以突兀掘闕弘以蕭擬捧帝座於三辰衝
天街之九達進而仰之騫龍首而張鳳翼退而瞻之岌
樹巔而崢雲末嶷兮我我巨鼇戴仙山而出滄波劃呼麥

欽定四庫全書

唐文粹
卷一

反今煌煌燭龍拆穹穴而臨北方排層城而廓帝居豁
闔闔而面蒼蒼左翔鸞而右栖鳳翹兩闕而為翼環阿
閣以周墀象龍行之曲直夾雙壺以鴻洞啟重閨之呀
赫趨堂塗之未半望宸居而累息惟上聖之欽明爰聽
政而布德去雕璣與金玉絀漢京之文飾幟丹腹於菱
曹抗雲霄而競色若乃紫微晨暄彤墀夜明雲薄萬拱
風交四榮冬止其陽則釋裘而煖夏休其陰則捐絺以
清旂獵風而振響葉墜露而成聲懸樞駢湊疎柱奔列

複檻曾綴高憲景黯烏反取日翳而果連曜天開而中

絕形持神而欲離足便步而將跌貯昭訓之崇崇曄光
範之揭揭其南則丹鳳啟途遐矚荆吳十扇開閉陰陽
睚眦容鼎九局方駕五車示王者之無外不樹屏於清
都望仙闕於巽維建福敬於坤隅偃朱旗而橐玄甲屯
佻佻之驍夫其後則深闌祕殿曼宇疎楹瑞木交陰玄
墀砥平鮮風歷廡凌霰飄英蔭藹武闕增華穆清玉燭
內融則嘉盛豐備太陽臨照而天下文明古有六寢御

欽定四庫全書

唐文粹
卷一

茲一人今也三朝繇古是因布大命於宣政澹玄心於
紫宸義和弭節於通乾望舒停景於觀象密勿旒扆臣
人是仰左黃閣而右紫微命伊臯以為長其下則鵬冠
魚服良家茂族厲禁非宜金吾領之其前則置兩石以
卹刑張三侯以興武告善之旌登聞之鼓節晷漏於鍾
律架危樓之筍簾以辨內外之差以正東西之序天光
流於紫庭倒影入於朱戶騰祥雲之郁霽映旭日之蔥
龍清渠導於元氣玉樹生於景風夷坦數里徘徊無窮

羅千乘與萬騎曾不得半乎其中厥初經營天下既又
文物未周孤其壯麗蓋重施於勞非不懷也乃睿睿孫
睿孫開元萬寓晏清而大和奄書契之所論既克廣於
崇構聲明備而益尊蓋聖皇之孝也揮綽變化兮動採
乾坤其東於是弘文教而開館對日華之清閨蓋左學
之遺制協前王之講德其西於是延載筆之良史俯月
華之峻扉集賢人於別殿朝命婦於中闈王風闡而成
化陰教備而不虧加以詠周詩而展親睦魯衛而敦叙

欽定四庫全書

唐文粹
卷一

因命族之來宴置更衣之豐宇至於殿內諸曹則左右
有局通軒並廡物有恒司供無廢舉又有銀璫珥貂寺
人巷伯奉宣出納之命更踐宮中之役熊羆之旅董以
龍武矛戟森森材官羽林聲破邱山氣警飛沈爪抉千
鈞跟騰百尋克壯皇威協比其心其外則校人掌馬天
駟在閑以備順遊放牧其間望我鸞和陟彼高山猶慮
憲章或遺國容未備乃立掌匱之司館通事之史職在
達下情於上天儼王言于有位塤通太極澄指龍池重

門內注複道潛移幽峻肅以相屬光彤融以熳熳玄象
著明帝座維三皇居設位俯察仰參翼室正中游宮次
南北起含光其容耽耽摠而言之如山之壽則曰蓬萊
如日之昇則曰大明自茲而北燕遊所經達于苑囿不
可殫名周廬更呵匝以環衛南端百仞上極霄際却視
巖壑經途廣深繚以層城默為重陰至若時雨膏田九
農悽暢雲歸山穴條以昭曠白日麗於宮隅混晶光而
益壯於是風師歛威纖纖不升穎絕搖芒葉無翻稜自

欽定四庫全書

唐文粹
卷一

中徂外鏡洗川澄弦直閭闔井畫溝塍靡迤秦山陂陀
漢陵知稼穡之艱難見皇王之廢興及乎玄冥戒寒海
神飛雪瑤城粉野琪樹森列玉宇璇階雲門露闕天華
真霽朗日朝徹赤旗絳庭朱柱艷月仰白帝而金精開
披河宮而銀燭發其或蠻夷不至帝用興戎降元帥於
天上發神謀於禁中皇靈震耀殄厥渠凶矯矯武臣此
焉獻功效俘虜而陳器械恢莫大之威容爾乃時殷仲
冬日正南至上公奉竿羣后在位一人壽昌萬國承賜

式燕以樂欣欣且醉乃撞宮懸硃碣天地及乎獻歲元
辰東風發春懸法象魏與人惟新儼文物於王庭兼九
伐而宿陳威儀之嚴山嶽振振若太一披網緼而俯百
神既而咸造勿褻會朝清明璿柄指寅寢闈發局皇帝
御袞龍之法服佩蒼璧之純精執鎮圭導朱紘降輦登
階微聞玉聲於是典禮之官贊王就位南面穆然至若
甸侯采衛要荒閩貊輸其方賁罔不來格統以千官六
卿二伯司儀叙進象胥重譯肅肅委皮乾乾奠璧設以

欽定四庫全書

唐文粹
卷一

庭燎天烘地赫雷鼓殷殷朱干玉戚神簷如生熊羆愕
敵危昂歌向歌爛欬射金根玉輅太常少伯火烈門旂
霜交陛戟乃進元元以觀禮珎初六反億兆之增金吾南
首麾之以肱逌攀援而聳仰齊屨企而冠騰太史來告
卿雲勃興灑豐澤於生人荅上玄之休徵申命司寇緩
刑冢卿降德秩山川而問耆老周雨露而均邦國華戎
竭歡喜氣闐塞揭金雞於太清炫晨陽於正色慶抃之
聲不踰辰而霽四域當斯時也驅周驟漢於廓煥爛王

臨于朝天地貞觀靈宮岩岩上下交贊蓋所以法軌道
而遵帝度宣惟安體而明威者哉夫瑤臺之靡不可以
刑萬國土階之陋不可以儀天下奢不遜而儉固允執
中於大位洪範曰皇建其有極富哉上聖之宏議也詩
歌楚室頌美泮宮諸侯之事也雲夢甘泉宴談景福僻
王之志也論諸侯曷若戴天子嘉僻王曷若尊聖人烈
烈盛唐祖武宗文五帝赧德六王慙勛而政本乎慈用
過乎儉夫蒼生所奉者惟君所愛者惟親寧有君親宅

欽定四庫全書

唐文粹
卷一

九

體於卑室而臣子得安其身乎故有熊明庭帝姚總期
從人欲也天垂定星易有大壯君人者法焉聖朝猶斤
其華而凭其質今是殿也者惟鐵石丹素無加飾焉身
居玄眇心與萬姓同畎畝之勞以是臨衆何衆不賓以
是享神何神不若其德歟雖欲宮崑崙而館不周城八
極而隍四海猶未足儲鴻醇而俯丕耀豈咸鎬一京之
所在崇四瀆之前式勅懷鈇之小臣俾讐書於禁中正
百代之遺文由是循環天造耳目惟新敢頌成功告于

神宗無愧斯干之什式昭聖德之容頌曰

帝作含元含元言言萃若日觀呀為天門太階三層遠
法崑崙鎮茲秦野揭以周原列文祖宗永錫孝孫孝孫
有慶于以施令奄旬萬姓受天休命歌之頌之管磬宜
之穆穆皇君壽考無期既成斯文客有勸之上者對曰
前王之宏祥絕瑞乃聖朝之細事令休徵已厭于聰明
頌聲亦飫于天意私歌竊抒乃臣子之本志又焉足以
薦聞哉客曰不然今至尊明發不寐有懷先皇周文之

欽定四庫全書

唐文粹
卷一

十

孝也允恭克讓光溢海外堯舜之謙也以即位以來上
下之休嘉神人之詠歌歌於睿躬則固辭頌於宗廟則
無數今吾子之文明昭乎累聖之耿光美于大君之孝
德可進而退宜言而默使雅頌之音卷而不舒猶坦蕩
其胸臆無乃過歟為人之下者有可達於君親雖濱于
死亦冒行之況宗廟啟其心哉臣華常聞遷善之規願
附升歌之末

明堂賦 并序

李白

昔在天皇告成岱宗改元乾封經始明堂年紀總章時
締構之未輯痛威靈之遐邁天后繼作中宗成之因兆
人之子來崇萬祀之丕業蓋天皇先天中宗奉天累聖
纂就鴻勳克宣臣白美頌恭惟述焉其辭曰

伊皇唐之革天創元也我高祖乃仗大順赫然電發以
首之於是橫八荒漂九陽掃叛渙開混茫景星曜而太
階平虹蜺滅而日月張欽若太宗繼明重光廓區宇以
立極綴蒼昊之額網淳風沕穆鴻恩滂洋武義烜赫於

欽定四庫全書

唐文粹
卷一

十

有截仁聲馭沓乎無疆若乃高宗紹興祐統錫羨神休
旁臻瑞物咸薦元符剖兮地珍見既應天以順人遂登
封而降禪將欲考有洛崇明堂惟厥功之未輯兮乘白
雲於帝鄉天后勤勞輔政兮中宗以欽明克昌遵先軌
以繼作兮揚烈聖之耿光則使軒轅草圖義和練日經
之營之不彩不質因子來於四方豈殫稅於高室乃準
水泉攢雲梁磬玉石於隴坂空瓌材於瀟湘巧奪神鬼
高窮昊蒼聽天語之察察擬帝居之錚錚雖暫勞而永